



Editorial

Imut a khawk zia

Nasepte 20:9-10

Kumthak Chibai...!!

Hun leh kumte hung chiazel in kumluite mang mualliam in, tu hin kumthak mel dawi um mang pan kitthei ta ziang tiang i mau ei puitu Pathian lopina leh chawihawina i pia masa'u hi!

Paul in Troas khua ataw nunung pen zan akikhawp nau in, tangval pakhat, Eutikas kiti pa zia kikhawpna chun ava pang a. Tukvan in a kichu, Paul in thu a gensawt takluat ziak in a imut suak talua'n ala vuang a, tukvan ah pat chun a khetha tamai hi. A kikhawpna hi a insawng thumna ahi zia kin kitat liam nasa ma ma hin a, thi mil in a phawng uh ahi. Paul in a buaipi nung hun chawmkhat zaw chun a hung hal kit ta ahi.

Zia achung apat hin Kikhawpna ah ipmu vuang sekte hi

a mualpho zeu zeu sek him uh ahi dan imu dawk thei ui. Chun, taksa lam ah ipmu vuang sekten bawn liamna atuakpi thei uh ahi chun, taksa lam ah ipmu vuangte sang in thagau lam ah ipmu vuang ah ala um tate hin bang gual lawm in Christian hinkhua ah haksatna atuak ta bep diam uh maw... Tuni hin suapi tehaw, Thagau lam ah ipmu kha ihu chun Eutikas kiakna sang ah huaisia zaw kumtuang gawtmun ah ketha kha ding ihu. Ziaziakchun, ngaituana lam ah changpanglo ding leh phatlona lam ah nausen gual ah um ah, i ngaituana lam ua piting tak a um ding in Paul in eila hil uh ahi.

Vaihawmte 5:12 na lam i etchun, "Tho in, Tho in Deborah! Tho in, tho inla La sa'n" tithu hi muthei in a um hi. Thagau thu lam ahin ipmu sawt talua khai tiu, hun

leh ni te'n ei ngak sawt talo ding Prov 6:9 aw thadapa,
ahi. Ni te hi aphot taklo ziakin ip- bangchan ahem la lup ding?
mut nau pat hin khatlaw ahun tak Bangtik leh hung thodok ding la
zet tai. Sun hun abei vang vang hem?
ta hen khawthim hun hung tung
pai ta ding ahi. Zia phat chuleh
Pathian pak nuam in amel hawl
maleu hinle geisang khai tiu.

--o0o--

Diktatna

Ezekiel 45: 9

By: Rev. Seilunlal Vaiphei

Tuni hun ahin khawvel ah mihing zosia'n ama maw leh pawimaw pe khat chu diktatna hi ahi. Gam leh Nam nasem ah i ngaiteu bep in ama maw uh ahi pua, Kochuam, khawtang, insung leh mimal in i pawimaw chiat uh khat chu ahi. Sep leh bawlina ate, vaihawmna ate, nek hawlina ate leh i khawsaknau kawng bangkim ate'n diktatna tawh i kalsuan zing ding uh ahi. Mihingte a ding ah thil pawimaw khat ahi zia kin anuai ahin, a umzia, diktatna ngaisaklo te athil tuak teu leh dikna lampi chia te mi lawting ahina teu ala en hitiu.

Dikna:

Dikna um zia chu dik, hikhiallo, siamdik, sukdik, dem kailo, chia dik, khawsak dan dik tileu hin hiatchian thei pen inna. Chun, kua ahem khat lamdiklo ahem thildiklo lam ahem ala chia khial go ta, himaleh hung kihe dawktak a malam sawn talo ti inle genthei inna.

Dikna ngaisaklote thil tuak:

Zia taka hin i gen nawp-pen chu Pathian nasemtu khat ala hi, himaleh Pathian thu phatsan ah ama khaw hiatna chiasekte mualphona achan danteu ala en hitiu.

Thiampu Eli chate diktatlona:

I Samuel 2-3na ah, Thia-

mpu Eli chaten Israelte maicham a kithawina ding sate, thiampute nek dingte anek zia kin un, Pathian achung un alungawi ta pua, a insung ua Pathian lungnatna tung in ahunlo in athi kha law tau. Chuleh thiampu ahinau le lak mang piak in a um tai. Elite inkuan chanchin ah pat hin diktatlona chu taksa leh thagau ah Pathian sapsiatna leh khanggui tantheina a hidan i muthei ahi.

Israelte leng Saul diktatlona:

Israelte leng masapen Saul diktatlona thu hi 1 samuel 15 ah imu u'i. Pathian in lengpa Saul chu, Amalek mite do a that-lum vek ding ah thu apiaklai in leng Saul chun Pathian thu manglo in laklo ding, belum, bawng-

chal leh a lengpau Agag nasan ahing in ahung kai ziakin Pathian in a leng hina a kipatin apaimang hi. Laklo ding leh thalup vek ding a Pathian thupiak a zui nawplo ziak in Pathian in ataisan tawp a ama leh ama akithatlum tai. Pathian thumatlo chu a tawp leh eima ngei a ding in le thitheina tuntu ahidan a muthei hi.

Anania leh Saphirate nupan nekgukna thu:

Nasepte 5na lam i etchun, Anania leh Saphirate nupan in a gam neisa khat uh azuak ua, akim khatman chu ki lunggual taka ip mang aguak tak ziakun Pathian them suakin nikhat thu in a hinna uh a chanlaw tau hi. Ahileh, Anania leh Saphira te nupan in sum a ipmang uh chu kua a changta diam? Ei un le Pathian laulo hial ah i nekguk/chakguknate tawh i goman tamtakte chu dan leh thisanmai ding ihi ban ua, chuleh rapture zaw a dingah gokhawl khawm bep i kha mai diam uh maw?

Kochuam sung ah diktatlona:

Pathian phatna leh hepi-na ziak in malzawlina tamtak a kochuamten i dawng tau a. Kochuamte le khangto in malam isawnto zel ua, i budget teu le

1/2 core val bang ahung hithei ta. Ahin, zia i thawlawm sum mu nateu atangpi in i kochuam sung ua miginumte, genthei chagate leh a nek sik uh ahun chawikhawmteu leh adang dang apat ala hideu sek hi.

Gam leh nam puitute ti taklo, kochuam puitute lak ahinle diktatlona ahung khanglian ma ma ziang tai. Loi upa khat kihisam chu keima thu thu ahi tai tinawp-na abei ta puai. Sum leh pai min anei kham kham ah ahun piak, anei val uh ahun piak ule hilo, puitu khat chun i matchak danteu hi Pathian alungawi na diam? tia kingaitua zing apawi maw hi.

Dikna leh thutak a nasep ding:

Jeremiah 22:3na I sim chun, “dikna leh thutak in sem unla, sugentheipa khut ah kipat in suam ah um zosia chu hukdawknun” ti ahi. Kochuam khanlet zel theina ding ahin gingtute hin dikna hi i mansua lo ding uh ahi. Mihing nasem i hi pua a, Pathian lopina ding leh agam keklet zel na ding ah semtu ihi dan teu kingaitua dawknun zing akul hi. Puitu khat chun diktatlona ah vai ahawm ahi chun, ginna ah naupangte chu thilpiak chung hitaleh sep leh bawl chung chang

ale kithatdana ahung nei thei uh ahi.

Thukhakna: A chung ah i gen tak gaul un, puitu khat diktatlona hin mihing tamtak lunggil akai mang ziang bep hilo in amangthai sak sek hi. Zia diktatlona ziakin hin tuhinle kochuam puitu tam takin Thagau lam ah phakna anei tau hi. Chun, puitu khat diklona ziakin Nam, Kochuam, Insung, Chi leh Nam, Gam leh Nam dinga niam khiakna leh thina tiang atun thei ahi dante a mu daw thei hi. Isai

1:17nan “Thilpha bawl zilun, Vaihawmna dik hawl unla, tawden ah umte hukdaw un” ati. Chun, Thupilte 21:3 na chun, “Dikna leh thutakna chu, Lalpan kitho-ina hing sang in pawm tâk asa zawi”.

--o0o--

Kochuam Thugin Hung Piangdaw Dan

Tita 2:15; Hebrai 4:14

Compile by Rev. Seilunlal Vaiphei

Tuni hin Kochuam Thugin hung piangdaw dan chawmkim chan ala enkhawm hitiu. Apostol te hunlai ah khan Kochuam Thugin zikdaw ala um naipuai. Sawlchak te'n Pathian thu a ziltit taphawt uh chu Kochuam masate khan nialse lo in a zawm dial dial ziang uh ahi. Zialai ah chun Thugin hi a neilo uh ahi pua, mumal nei tak ah zikdaw ala neilo uh ahi zawi. Atil ah kipat in kingakna feltak chu anei zing sau ahia, zia chu tawh kituak in Sawlchak te'n Pathian thu agensek uh ahi.

Hun ahung chia zel ah, ziltitna diklo in Kochuam chu ahun ha ne deu deu ta, Sawlchakte Pathian thugen leh ziltit dan gual hilo ah ziltitna ahung pawtdawk ta. Tuni tiang ahin i gam hin ziltitna diklo atam ziakin, Kochuam Thugin hi i hiatchian ten uh akul hi.

Kochuam Thugin Piandawna ziak:

A.D. 150 nunglam ah khan chu Kochuam masate khan Thugin zikdaw a nei naipuai hi. Sawlchakte ahung thi-zaw nung un, ziltitna diklo in Kochuam a sukbuai ve sek ziakin, mitin in a tukdet ding uh Thugin chu zikdaw in a hun guanggal tau hi. Bible hi mi chuam chuam in azik uh ahi ziakin, a thu chiapi dan teu, thu uar dan leh azik dan uh style le a kibang suak ziang khel puai. Himaleh a ziktute hi Pathian matchak ahi sik sek zia un, a thuzik uh hi a kikal ngaipua, a ki lem tangpi ten ahi. Bible hi mi chuam chuam in, hun chuam ch-

uam ah azik uh himaleh a ziltitna lam thuangpi hi chu lawmkhat ahi. Chutichun Bible pumpin atup leh a thucha feltak ah zikdaw mawng chu kingakna tak Bible leh Sawlchakte ziltit dan tawh kituak ahi ngei ding ahi. Lal Jesu ah kinga ahi em ti chu i etchianna ding pen uh ahi kit hi.

Thugin siamdawna ah matchak pawimawte:

Kochuam Thugin hi, eima tuina lampang bep ahem; i duthusam ahem, mihiam in pha i hiat leh nawp i sakna lampang bep ahem ah kipat siamdaw ziang ahipuai. Kingakna diktak nei ah guanggal leh siamdaw ahia, zia chu:-

i) Lal Jesu ziltilna: Thugin in genchian a guat pe'n chu Lal Jesu leh a hukdamna thu hi ahi. Zi-aziak ah chun Thugin him him chu Lal Jesu leh a ziltilna kinga ahilo chun Thugin dik atingzo ngailo ahi.

ii) Bible ziltilna: Kochuam Thugin chu Bible ah kinga, Bible ziltilna tawh kituak ahi ding ahi. Bible hile ngaidan leh pawmdan a danglam thei ah, Lal Jesu leh Sawlchakte ziltilna zui ah hilchian ahilo chun a dik-tawk zolo ahi.

iii) Kochuam ziltilna: Thugin chu Kochuam masate leh Apostolte ziltilna tawh kituak ah siam ahi Tulai ahin Kochuam khenkhat ten Bible ziltilna leh Kochuam masate ziltilna gual hilo in, amau umna Kochuam tuina lam tawh kituak in Thugin a phudawk un, zia gual hi Kochuam Thugin siamdan lampi dik ahipuai.

iv) Atak tak ah chansak thei: Thugin chu Pathian thu bâk zâm ah siamdaw ahipua, Pathian thu laipi apat siamdawk ahiziak in a tak ah chansak thei ahi. Thu phatak leh kilawm tak te hile a tak tak ah tungthei ngei ding ahilo chun Thugin a ting

puai.

Thugin pawimawna: Thugin pawimawna hi tampi gen ding a umthei a, zia gual hi a pawimawna tangpi taklang leu hin:-

i) Pathian gindan ei kawkmui ahi:

Gingtute chun Lal Jesu hi hukdampa ahizia i pawm uh ahi. Himaleh Thugin kingakna dettak ineilo uh chun ziltilna diklo in bailam tak in ei nekthei hi. Thugin chun Lal Jesu gin dan lampi ei kawkmui a, Ama gingtute hidan ding le ei kawkmui ahi.

ii) Khrista batna lam ah ei sukhanglian hi:

Thugin chun lampi kichiantak anei ah zia kungmun zawtna ding ah chun lampi kichiantak anei kit ahi. Zi-aziak ah chun Kochuam tudet ten te chu a gammang ngaipua a, Khrista batna lam ah chun a khanglian zaw sek uh ahi.

iii) Sepkhawm theina dan phatak ei hil hi:

Kochuamte hi mi zat chuam chuam hileu hinle, Thugin pakhat tudet ihi ziakin, lunggual tak in Pathianna i semkhawm in, i pangkhawm thei un, khaugui pakhat tu gual in, kal i suankhawm dial dial thei uh ahi. Kochuam Thugin ngaisaklo, amau daw i dan

dan ah chia ziangte chun, midang tawh kituak in kal a suankhawm thei ngaipau a, amau a ding leh Kochuam a ding in thilkhawk ahi sek ahi.

iv) Kochuam midik leh Pathian nasemtu pha hi-na ahi: Thugin ah kinga leh pawmdet mi chu Kochuam a ding in mi phachuam leh Pathian na semtu pha a hi sek uh ahi. Eima umna Kochuam Thugin ngaikhawlo mi chu Kochuam mi diktak ahilo nuam ten ui. Pathian na semtu a umna Kochuam Thugin ngai pawimawlo te vang vang chu, a thugen dan uh adik ngai sekpuai. Thugin piandaw dan i genteu hi Presyterian Kochuam Thugin bep hilo in, atil apat Kochuam Thugin piandaw dan ahi.

Thukhakna:

Kochuam masaten Thugin a siamdaw ding un, a kingaknau khuampi pen chu 'Jesu Khrista chu Lal ahi' ti hi ahi. Thuthunglui hunlai ah chun Jawlnei, Thiampu leh Lengte a um ua, Thuthungthak hun in chu, zia mi pathum te nasep chu ahung tawpta, 'Jesu Khrista chu Lal ahi' ti hin a kengkhawm sik sek ta ahi. Thugin pumpi hi 'Lal Jesu Lal zia' pawmna leh a suchiantu ahitopek ahi tai. Thugin paukam lang mun ma ma chu 'ka ging' ti hi ahia, a umzia chu 'ka kinga ahi' tina ahia, gingtu kipuanna paukam hawi ma ma chu ahi.

--o0o--

2022

Ah BANG PAITHAK DING LA NEI EM ?

By: Ajang Haokip

📖 Ephe 4:22> La mihing lui, la nidanglai hindan uh sia zosia chu liptha un

☞ _Mihiam te hi l piandaw ua, inu gilpi sunga apat hin gilo sa ah hung kizil i hi ziak un, Jesu Christa thisan a silthiangna panglo in chawndan thilpha bang zat bawl maleu hin, Pathian ngaidamna chanthei ahilo dan ihet suak kei uh ahi- Gal 2:16, Eph2:8, Rom 11:6, Isai 64:6._

☞ _'Chawndan lui' kiti hinkhua hi ihung pianpi gitlonate zosia chu ahuap ahi. 'Hinkhua lui nusia' kiti hi hinkhua thak a hinna chu ahia, Bang hi zianglehle 'alui' manglo a 'athak' ti ding hi um theilo ahi._

☞ _Kumthak ihunglut uh tawh kition in, mi tamtak in eima hindan luite zawk kibuaipi sek zaw lo in, kumthak-thathak haw zawk chu ibuaipi zing sek ziak un, kumthak bang zat vei mang male'u hinle aphachuam lo gualin mitam pi hi ium zing nalai uh ahi. Aziakchu, eima hinkhua ah danglamna

hinkhua panglo in kumthak bang zatvei mang male'u hin le phachuam diaklo ding ahi._

☞ _2Tim 4:10> Dema chun tulai khawvel hi a ngainat ziak in ei nusia tai. Thessalonika khua'n a chia tai. Cresen chu Galatia gam ah a chia a, Tita chu Dalmatia ah achia tai._

☞ _Dema guala tulai Christian tamtak hukhingna hi muchian ta, hele hechianta, athei kham² ale sempan ta, ahivanga khawvel nawpsakna – Zu leh sa, lam diklo a sum hawl, ginumlo, lawi phaloning pawlkit, guk leh chak, thanhuaina, chep leh muam i-haisan sate i-nungbawl kit etc, te ziaka Dema guala ettawn tâk hitalo christian tampi ki umda diaklo ahi. Dema le Paul in sephawmpite siasia thuvaithakna agelpha maleh vangsiat um takin Bible sunga hin aki hepha kit ta puai._

_ I NGAITUA KHAWMDI'U- _

☞ _Gancha in api apua a mi-hiam inle anu leh pa hina apua teitei gualin; Pathian cha khat inle Pathian lim leh mel apua a, thiangthona hinkhua bek a hi hin gaw teilo ding ihu em?- Eph 4:24._

☞ _Ka lungsung athiang tai itithei tâk ua ahileh apawlam nen dekdok ti hi umthei talo ding ahitak ziakin; Asunglam kisuthiangte zosia chu apawlam hinkhua ale muthei a kilang ziangdi'u ahitai-Mt 5:14._

☞ _I-Christian hinkhua a paithak lo khat inei zinglai sia chu kipak thei taktak lo ding ihu'u. Pulpit chung a ihina khat hung kigendawk sek te haw khu mudana lungchang ala kinei tei sek ahi. Akipak sekte haw khu galzo te bep ahui in, Gallel nalai te chu kuamacha akipak taktak zo sek puau._

☞ _Thagau thiango in ei chen-pitai itiu a, hinkhua luite tawh l kikhen zaw nailo ua leh- 1Cor 3:16-17; Ei leh ei thiam kichan ziang male'u hin, thagau thi-

angtho chu izawp nailo uh ahidan kichian takin agen hi- 1Thes 4:7-8._

☞ _Gingtu khat chu thagau thi-angtho in achenpi tâk ahileh; Asunga chengpa dawî guala achenna insungchu l sukthian piak zing sek uh ngailo ding ahem?- 1Cor 6:19-20._

☞ _Israelte le amau zawk kisu-dik masalo in 'Halmang thillat leh kithawina' ah Pathian kipak sak teitei ding aguat uleh Pathian in- "Ka Inn huangsung chuanchil ding bep ah, bang hung hi sek la hui em?, La thilbol haw'u kakidak, ka huat, kadawilo, ka pawchimtai, dawndawn male'u chun ngaisak diaklo ding kahi." -Isai 1:11-15 ala ti piak gualin, Pathian in kumthak-thathak ei piak kit uhi, Thawkhatna khat chiat nei pum ah eima leh eima kisukdikna kum a i-mat chiat diu hi Pathian in adawipen chu ahi- 16._

☞ **_Deut 1:6-7> Zia Tang ahin la um sawt talua tau hi._**

7> Kihei unla la khualzin nau sunzawm kit tau in.

☞ _Ei uh Aigupta a pat ah pawtdawk ihu tak uh ahi chun; Eima a

um Aigupta te zosia chule ipawt-daw sak u ngai ahi._

☞_Tang chung a i-thil chiin haw zosia chule tang chung ma² a hin l nutsia uh ngai ahi._

☞_Pathian cha khat ihi ah Thagau thiangtho in eichenpi ahitâk chun, abuak zosia te apat l kisumthei uh a pawimaw mama ahi._

☞_Midangte Pathian hepina thu l gen piak theina ding ua; ettawn taklo chawndan lui ichin te zosia ipaithâk u ngai ahi._

☞_Bang hileh l paithâk zolo pen² uh chu nikhat leh ei that a hungpang tho² ding ahiziakin; Tuni New Year ni hin kikhenpi ziang hitiu._

☞_A thilchîn phalo apaithâk leh, adamna ding ahi ti la he ngala, paitha nuamlo techu; Hena sa² a athina ding mun lam zuan ah lungawi tak a chia te chu ahi tau._

☞_John Huges: “Mi zosia dam-sawt inuam chiat un; Ahin dam-sawtna dinga hinkhua hawitak a manghi mi tawmcha bep ahi.”_

☞_Pulpit chung a mipite masanga bawl dinga kilawm l saklote zosia chu; Bangma zosia musuak zing Pathian masanga le 2022 a kipat in aguk-agal in bawl² da hitin uh, paitha jiang hitiu._

☞_Tu² a iumna mun uh(Horeb) Tang hin l umsot talua tau hi; Ki-hei hitiu in kumlui a ichawndan luite zosia paitha pum in danglamna hinkhua khat chiat tawh i-khualzinna maban uh (2022) sunzawm kit tai tiu._

--o0o--

Ki Ngaitawmna

Philippi 2:7-8

By: Rev. Seilunlal Vaiphei

Ki ngaitawmna ti thumal hi chawmkim cha'n hilchian a haksa khawp mai hi. Thu awinate, dawtheinate, thu nuaigawlnate, kisumtheinate leh kipiakzawnate zosia a huap vek hi. A kul dan dungzui in din mun sang zaw kipat ah niamkhiak ngam nate, dawilawk ziak hilo ah a kul ziaka a thiamlo zaw hingam nate, daw thei a kul hun ah daw thei nate, eima hina gual ah kilat a kul leh le kilat mai ngamna gual haw hi kingaitawmna zia langsal diakte chu hina.

A lopina zosia lip tha, van ah kipat leisiat gitlo thim ah hung, mite na sep piaktu leh thi tiang ah gin-um taka a Pa thu zawmtu, Jesu Khrista hinkhua leh tawidan zosia kha kingaitawmna umzia genchian-na pha pen ahi. Zia hi Paul inle l nei ding ua ei dawisak ma ma chu ahi.

Kingaitawmna chu kilemna ahi: Jacob in a u Esau mal-sawmna dawn di alak piak ziak in Esau lungna chun tha ding in a va ta. A pu Laban kiang lam in a taimang ta, a belam honte chin piakin a chanu Rebek le a va kichenpi ta. Kum bangzat ahem nung ah chun a hung kile kit hi. Zia guala ahung kilekit chu a u Esau chun mi 400 pui in a dawn in a va chia ta. Jacob chun a u kiang a tun ma deu chun sagi vei leitual si in chibai a buk a. A ganhon tamtak chu a u a pia. A u chu chawp in akap khawm tau hi.

Jacob kingaitawmna hin a u Esau lungthim le a zo ma ma hin a kilang hi. A chanchin ua kipat hin kingaitawm chu kilemna ahi ti a kichian hi. l thunuaigol ngamnau khel chet ah midang tawh l kilem thei ua, zawna le l changthei sek uh ahi.

Kingaitawmna chu Damna ahi: Suria sepia hotu Naaman phak a damna ziak chu thil dang hilo in a kingaitawmna ziak liau liau ahi. Israel numei naupang a umpi mai mai thu in aphak damna din Israel gam ah Jawlnei Elisha kiang a zuan ahi. Elisha umna a

vat un ah Chula Naaman le mu lo in Jordan lui ah sagi vei kisil ding in a la hiatsak mai ahi. A lungna ma ma ziang lehle a suakte thu awi in Jordan lui ah sagi vei a va kidia lut a, a phak chu ahung thiang mai tai.

Ei uh hileu hin chu, 'khel khela' tii tiu in, kisathei takin dam le dam diaklo in kilekit di ihu. Pathian thu ah hin hi khel khel di a um zing seka, ziate haw zawm thei dinga kingainiam hi akul zing zing ahi. Lam khel khel, pauchap khel khel iti zing sek ui. Taksa, lungthim leh thagau ah damlo tam tak hin a kingaitawm ngamlona ga a luak uh hi akilang sek hi.

Kingaitawmna hi midang a din damna ahi: Jonah chu Ninevi khawpi ah kisikna thu tangkopi ding ah sawl ahi lai in Tarsis lam zuan lawng ah a chuang ta. Huipi hattak in a nawi ziak in lunggim tak in a um ua. Ama ziaka huipi leh tuifawn tuak ahui ti a kipuang a, 'keima zia kin' a ti ngamna chu a chuanpi midangte damna a hung hia, ama a ding in le ahi kit hi.

Mihing lei leh kam in gendaw haksa a sak pen chu 'ka diklo ahi' ti hi ahi e, a tiu a,

dik ma ma ina. Midang diklona l mu thei ua, eimau diklona vang l mu khum khel sek ui. Eima diklona gen daw ngamna ah hin mi dangte le a dam zaw sek ui, zia tak ah chun ei â di'n le damna a hung um a, zia chun lungthim lam ah natna neite ah le damna leh kilemna a tunsak sek ahi.

Kingaitawmna hi zawna ahi: Lal Jesu hinkhua kipat hin kingaitawmna hi zawna ahi ti akichian ahi. Van lopina lip tha'n gan ankuang ah a lu a hung nga. Lal guala choihoi ahi khan le mi sabiltung no khel kawm in a chung ah a chuang a. A tawp ah thina zosia lak ah a huaise pen kross ah thina chu a tuak ahi. Zia chun lungthim tâk leh mi huham pi pite lungthim le a sunem ahi. Zia ngei chu khawvel ah zawna leh min chungnung pen piak ahina ziak ahung hitai. Kingaitawmna hi Lal Jesu matchak pen ahi zia kin ei uh â di'n le midang zawna matchak phapen hazel di ahi.

--o0o--

IMMANUEL LEH CHRISTMAS

📖 **A min Immanuel la sak ding a hi.**

Isai 7:14; Mat.1:23; Phil. 2:5-11.

✍️ **Pastor Lamsieh Singson**

IMMANUEL MIN UMZIA

Immanuel kiti hi “Pathian I kiang un a um” ahiloleh “Pathian in mihiamte a umpi” tina ahi. Masang ah Eden huan ah chun Pathian in mihiam ala kipawlkhawmpi hi. Ahin, gitlona’n mihiam ahung zaw phat in, gitlona/sualna chun Pathian tawh kikhenna ahung siamdawk ta, zia gitlo man chu thina (separation) ahitai. Pathian in Israelte a gitlo ziaak ua ala nutsia na min chu “Icabod” (I Sam 4:21) leh “Lo-ami”(Hosea 1:9) ti ding ahi. Hebrai thumal “icabod” hin a kodaw chu “Pathian in Israelte a nutsia tai” ti ding hintin, chuleh “Lo-ami” kodaw chu “kamite hitalou” tina ahi. Ahinla gitlona ziaaka mihiamte Pathian toh ala kikhensa, a lopina chang jou talote lungsiatna umpi kit dinga ahung vil ding thu chu zawlnei Isaiah ala gendaw sak ahi. Leisiat ah mihiamte hungvil a umpi theina dinga chu Pathian in alopina jousia liphtha’n mihiam gual in ahung

angai ta ahi. Ziaziakachu, ei uh chenpi dinga mihiam a ahung pian na min chu Hukdampa(Jesu) bep hilo in “Umpitu”(Immanuel) kisak ahi. Pathian in ICABOD chu IMMANUEL in asangdawk ta ahi.

IMMANUEL HINA DINGA PATHIAN NASEP

Pathian chu masangin Immanuel akiti pua’n. Khawvel ah mihiam guala ahung pian ding thu kigenna’a, zawlnei Isaiah kam’a Pathian in athil guanggal chu apuangdawk ah, Matt. 1:23 in a guitung ta ahi. Gitlona ziaaka mihiamte chung a Pathian lopina chang jo talo, umpi thei hita lote umpi theina dingin Pathian ama chu “akisuniam/kingaitawm” ta ahi. Theology thumal in “ama le ama akisu-awng in, akisuthiang hi” (He emptied himself) a kiti ahi. Bible in “Pathian toh kibang ah aumna, van ah alopina zosia hun nusia” ati. Lopina zosia hun nusia maleh Pathian ahina a nut-

sia ahi puai, “Pathian hina chung chu mihiam hina akilak” ahiloleh “mihiam’a lut” ti ding ahi. Lalpa Jesu chun Pathian hina leh mihiam hina chu kibanga a neikawp ahi. Ahinla aman leichunga aum lai in Pathian hina sangin mihiam hina aha mat zaw ahi. Mihiamte umpi dinga ahungna min chu Immanuel kiti ahi.

Pathian mihiam hinkhua alut hin, thil pani mudaw thei in aum hi. **Khatna’n**, Pathian chu mihiam akisuak ah, mihiam khat hina’n mihiam hindung dan gualin ahingah, mihiam hina leh daw gual aheth piak thei in, chuleh ama ging mihiamte lunggel le ahethpiak in a kithuapi thei ahi. **Apanina’n**, Pathian chu mihiam hinkhua alut phat in zia mihiam chu ama hina apat in danglamna anei in, Pathian tawh kizawpna anei in, Pathian chapa leh chanu ahung hidaw thei ta ahi. Chuleh Pathian hina’n thagau ah ama gingtute hinkhua ah acheng den thei in, a umpi zing thei ta ahi. Pathian chun mihiamte van apat in ahung galvil puca, Ama ahung ah, a Pathian hina zosia akawitha, ama chu kingaitawm tak in mihiam in ahung piang ahi. Mihi-

am khat in athawk ding haksatna zosia athuak ah, aging theina ding un, Hukdamna chanchinpha nasem tawh thua in a ziltil ah, mihiamte hepina zal in cross chung ah thina chan in thu among hi.

PATHIAN UMPI THEI HINA DINGA PAWIMAW

Pathian in umpi din ei chial ahi. Ahinla Pathian umpi thei hina dingin atangpi’n thil pani ibawldaw tei ding uh aum hi.

Khatna chu, gitlona ipaithak lo uh leh Pathian toh umkhawm theilo ding ihu. Pathian in ei hepi ziang maleh l gitlonau a kidak in ei umpi thei lo ding ahi. Ziakiakachu Pathian umpi hitheina dinga gitlona hinkhua milui chu l paithak ding uh angai ahi. Lalpa’n agen hi, “La lak ua gitlona thil thiango lapaidaw lo ua leh ka umpi kit lo ding lahi’u” ati(Josh. 7: 12). Gitlona Pathian dawilo l paithak phat ua leh ama toh umkhawm thei ding ihu. Lalpa’n, “Keima’n um zingun, Keile nangma’u a um zing ing ka” ati(-John 15:4). Tunin Lalpa toh umkhawm theina dingin gitlo thupha l chawi angai hi, zia phat chuleh ama toh kiguizawpna nei thei

ding ihi'u.

Apanina'n, Pathian umpi hitheina dingin Khrista lungput nei angai hi. Paul'in kichian tak in, Jesu Khrista lungput chu iput theina ding un ei hilchian ahi. Jesu pian thu igen ah Christmas I thillawk lai a hin aging zosia'n Khrista lungput iput di'u hi geldawk hitiu. Ama umpi leh chenpi mite ihu chun I hindan uh leh I nasep dan ua mite muthei a Jesu lungput inei tei ding uh a poimaw hi. I hinkhua lunggel uhi ama a tawh kituak sak ding ahi. Jesu Khrista sunga cheng lungput chu eima sung gil ah le chengsak ding ahi. Ama'n Pathian lim leh mel aput zing ziang vangin, Pathian toh kibanga kichawisang ding agel puai, Ama kingaitawm tak in, mihiam gual bep hilo in, suak lim leh mel in a kivan zaw ahi. A kingaitawmna/kineusakna chu atawpna ahipuai, Pathian in sangtak in a chawisang ahi. Khrista lungput nei a kingainiam zosia Pathian in a umpi a, adawpsang ding ahi.

Tu kum Christmas I thillawk zing lai in Khrista lungput chu nei in, midang tawh kilungnawpmawna umlo, midang gelkawkna, chuleh kingaitawmna

nei hitiu. Khrista lungput inei na'u em? Ei lungsiatpen Immanuel Pathian umpi thei ihi na'm? Christmas lai a le Pathian umpi theilo mite dinga vang Christmas chu athawn ahi.

--o0o--

“I chennau inn ding chu Vangam ahi”

~By T.Upa L.M. Vaiphei,
S. Munnucam

Vangam : Hebrai pau ah “Samayim” itiu hi vangam gen na ahia, pakhat sang a tamzaw gen na ahi. Judate chun, van chu sawngthum sang ah tamzaw lo in a ngai ua, a chung nung pen chu “Van te Van” ti asak ua, Zia taka chun Pathian chengin agen sek ui. (Duet. 10:14, I lalte 8:27) Zia ngaidan kibat pi chun sawlchak paul in le van thum na ah lakto thu agen a (2 Kor 12:2-8) Judate hin Pathian hi a za mama ziang ua, alau bek ua. Zia ziak chun Lalpa Jesu’n le vangam chanchin gen tam mama leh le sawng thum gual in alagen ngai puai, kikul chuam gual in le ala gen diak puai.

Vangam chu Pathian chenna ahia, zia tak achun Lalpa Jesu’n ama gingtu te ding in mun a siam ahi ti ihi ua. (Johna 4:2) vangam chu khut a saklo kum tuang inn ahia, gintu te din gochan sethei lo leh chuai theilo buak beklo chu guatpiak ahia a. (1 Peter 1:4) van ah chun gingtu

te go man tam a um ah, ilaw man ding uh le a um ziak in nasa tak a kipak ding ihu. (Mat 5:12; 6:20) van achun imin uh le zik ahita; van khua letui ihi tau hi. (Phil 3:20)

Vangam nop di dan hi gen chian thei di gual eipuai. mitthum te kiang in pakcha hoidan te, nivak hoidan te hi genthiam gua leu hin le amu thei diak lo uh chun a suangtua thei diak puau hi. Zia gual a chun lal David a pauchap nan “nang ma gual a kamu phat tak chuleh kalung awitak zet tana” tin alagen hi. Sawlchak Paul inle limlang kichianlo tak mu gilgial gual in ala tekhin a (I Kor 13:12) Zawl nei Isai inle; “lamite chun Lal chu ahoi na ah chun ala munau” tin ala gen hi. (Isai 33:17) lei kipak na bei kit mai ding mun ah cheng te a ding a chun kumtuang kipak na mun ah um ding dante that-nop um tak mai in suang tua ma leu hinle, a kimkhat ziang le igen zo lo uh ahi.

Ahi ziak inla, Bible apat

imu gual un van ah imu dan ding uh thillawk thei tiang a um ah, Laphuak thupi tak te F.J. Chrosy te, Shankey te, Evan Nana te H.Johnson te, F.A Blackhert te, S.Steaneth leh midang tam tak te hin vangam lim um didan suangtua nan la thupitak tak ala phuak uh ahi. E.E. Hewitt chun “Tuni hin gam nuamtak chanchin chu ka ngai tuai, nitum phat leh ka um na ding chu” tin ala phuak ah, Zia gual chun van ah i um dan ding uh thil in lungngaite ei nem ah thiding kuante tha muanna ei pia. Haksatna ei dawn zangkhai ahi. Zia gual a chun vangam ngaitua na gam ah vak zin hitiu.

Hepina Khawpi ahi: I vak lut phat phat un I hepi pen te mel vak mu tai tiu in, akianga pat ah kichawn talo ah kumtuang ah umden ngal mai ding ihu zia gual ma chun i chia vel nau ah i mu nunung ta phawt techu amasa te sanga ei hepi zaw ahui em? tid-ing zaw hitading ahui.

Kipakna huichim hang hui hiau tan tin, zia chun i lungthim ngui te zosia suhal zel tan tin hepina tuipi gual in a fawn zung zung tading ahi. Iki dawisak tu-anau paukam te chun i lungthim teu sukkipak mama tan tin, imu

leh i hiat teu chun ei kipak sak mama tan tin. Zia te chun kipak na la thak hawi tak tak te ei lep-sak tading ahui. Gitlo zona la hawitak te sa pum in van kawt fang kual tai tiu in, soal zia ah i lungngai nau zosia te kha zia gam ahin ala pakvul ding uh ahi. Pak-na la phuak tun le zawna tumbak chawi ah aw salem thak fan kal kangak lai” tin ala phuak uh ahi. Soal leh natna him him ei sub-uai tapuan tin. Zawlnei Isai gen gual ah zia khawpi chengte chun “Kadam puai” ti tapuan tin uh a sung ah cheng te chu soal ngaid-am in um tanau. (Isai 33:24) Zia khawpi salvak dingin ni leh tha ngai tapuan tin, belamno mel-phat na chun zia khawpi chu salvak tan tin, belamno Lal chutpha alai ah um chu ei veng tu ahi tak ding zia in, lau ding him him um tapuan tin, hinna tuikama ei pui tan tin, lau lo in i leng tading uh ahi.

Van gam ah i et nop diu chu hung kilang intin “etnawp maktak hina tatsate i mu phat le” tila i sak sek uh tu hin le i en zing tau ah, zia i et nawp pen diu chu mi gilo te hukdampa Lal Jesu Krista hi ding ahi. Amachu van sawlchak tamtak ten hung

chawi hawi in tin uh, la'n hung lem intin uh: Belam no thasa hi thil hithei nate, hausat nate, pilna te, malsawmna te, mu tak ahi e...tia asak git zung zung un lungthim ah kipak sak tuak mama ziang ah. Zia bep chule ahipua, van leh lei chung leh tusuagiat chung a athil siam zosia ten, belam no lopi zia te pak in Lalchutpha leh belam no kianga chun malzawl nate, chawihawi nate, lopi nate, vaihawm nate, kumtuang in um taken tia la chang asak hum hum gitteu chu ngai nop um ngei ina.

Zia belamno Lalchutpha chun akhut changlam ah lekhabu hunlan tin, zia phat achun van dak le hung khen vung vung intin, belamno ama leh ama kingai tawm intin, akithuam na lopi chu hung lipthan tin, chawihawina no a dawp chu Lallukhuk ma-ang ah hun kawi than tin alopi zia leh amak zia pak in lei leh van ten "Amen" tin lam tai tin uh, tuisuagiat leh khwvel zosia ten "HALELUIYAH" tia a non zut zut laitak ua amutu lungthim chu bang gual in akipak tadium uh ? Chun van ah "ANGEL" te le la hun sa non kik intin uh "Chungnungpen ah Pathian chu lopi tak in um taken, lei chung akipak mama mihiam

te kiang in chamna thu leng ta henla" tia ama athak na la asak teu kha he non kik ta hitiu in.

Zia phat chule lei lam ah film hung kilang intin chungnung pen ah Lal Jesu um na zosia ah lei chung a lemna chibai iki buk tua sau sau lai te muding ihu. Amu nop pen ding chu "Khross" ah athawk na kha hi ding ahi. Kumtuang apat a Pathian hepina angsung apai a, kalvari tang ah apuakzak dan kha i vek et chun, thagau khawvel gihoi leh van pau ten le athuk dan apuan senlo uh ahi. Tui siamtu tui du ah adang a chak dante, hinna siamtu sukluh ah, thawkit nalopi ah thokit ding ah phum a hi dante, ama ang leilung a chia lai, leilung a ma-ang ah ajaw dante ivak mu chun ama ingai san nau alian chuam ma ma a, Jesu alang sal ma ma hi. Zia felna leh hepina kigen in, khawvel thiam lo achawpa zia ah chun "GAN" an kuang leh thing hanse dawp leh van ah Lallukhuk aki zem dup dup mai dingdan te haw hi alopi tuak taluai, a thok nat zia hi imit thiu a pul zut zut laite, gitlo sim ah akiang i zawt lai teu leh ahepi na ah ei pai laite haw kha hetmil ni him him um puana "HAL-

LELUIYAH” Lalpan a mu kik tai tia mi gilo pakhat kisik na ziak a “VAN” a suklindan te imu chun mi hing hi bang ahia lahet zing sek ahem? tiding kha vak gel dawk kik hitiu. aman “LINGLUKHUK” akhuk ziak a ei un Lallukhuk ikhuk tak zia teu, a thina ziak a i dam tak dan teu, zia hin etchian thei di gual ahipuai. I etzaw nung in le etnop um deu deu ziang ding ahi.

Zia ziak chun, suapi te haw adiak in Lalpa Jesu Khris-ta hausatnate he tam zaw diak tai tiu. Lal Jesu hetchian zawk diak hi ikipak na pen uh ahia, zia chan chin hiat zawk diak hi van ah le tawp diak puan tin, nisin tuma sang in hung hawi zaw ding ahui. Chan ding Lallukhuk sang in apetu hoi na kilang zaw diak intin. A khawpi lopi na zosia sang in hepitu mel chu munop um zaw diak in a. F.J.C.ROSBY in le “EDEN thak in nuam ah chun eila dawn maleu le, ei hukdampa mu masak pen kanuam” tin la ala phuak ah zia ziak chun mihing hi kua ahia hem le? Ti hi kumtuang ah ithupi ding uh chu ahi.

I dam sung hun chomcha a ding in inkuan tinte hi ibuai thei mama ziang ua, Kumtuang ah i

um na ding uh ngai tua nân lah i buai pei bek puau a, “Amak sek ngei” teirawl pakhat thi di kuan chun anu leh pa kiang in, lei ngai nau in ti di dan lei hil lou uh hi akhawk ngei e ati, tulai khawvel ahin natna mak tak tak apung mama ziang a, thakhat a thi thut-nate, Covid-19 pendamic te...leh mipi lauthong nate hin ei chum zing ah, Khawvel thil in sakhuate a naw chep zing lai in inkuan tam tak tehaw a sakhua un tutang zo talo in apuk sezotau. Bible chun khawvel thil bep ah kisu buaite “IPMU” tin agen ah. I inkuan teu hi khawvel thil in a ipmu tui talua tau hilo maw? Dan phat leh i thina dak in ei hung git khum intin, kumtuang gam hung hi mai ding ahi ngal a. Ziaziakchun hal hi tiu in ngai ven hitiu. Pathian lungnat na thuak di hilo in Hukdam na mu zaw ding a ei guat ahi ngal a. (I Thess. 5:9)

Khaile unaute haw van-gam chanchin tampi igen ah iholim tau a, zia “INN” lopi tak chu bang ti gual in vatung thei ding ihui em ti chu nang leh kei mawpuak na ahi tai. Hilo maw? Bang hi apha adiam kihual in..... Kumtuang “INN” lopitak ah et nawp mak tak tak et sak ding

in Pathian Belamno Lal Jesun dingsan ei ngak tai. Zia ziak chu "VANGAM" ichen na diu kawt huang sunga chun lut ding in nang leh a inkuan te kim tak in lut thei chiat ding in kisa chiat taitiu.

Pathian Belamno vai-hawmna a chun la umdante, lagin dante, la nun dante la chan thagau pawm tak ahi na diam? Ki ngaitua in, det tak ah ding lahi nam? Khut a saklo "INN" lopi tak chu tungthei ding in laki guang tam? Laki sazo tam? Ki enchian in, dankhat to leh lam kal ah

mang thai khai tiu. Ama chu thu tak leh thagau ah ho ding ahi. Zia vaihawmna ah chun pang thei chiat ah etnawp mak tak tak te en chiat ah ama lopina sulang ding in, ihin dan teu, leh ingai tua nateu, a pawm tak a hithei na ding in, hin dang lam in ei hin sak chiat takenla. Malam kinep na lampi chu zuan chiat ta ding in asim zosia te chung in Lalpa'n ei malzawl taken.

"AMEN"

--o0o--

VAK (Light)

 Naocy Haokip

Matthew 5:16

Zia gual ma chun, la vak uh chu mite mitmu in vak taken; tichun la thil hi phatteu chu mu'n, van ah la pa'u chu chawihawi thei in'au.

- Mihiam in vak inei uh em? Nisa, tha leh aksi te chuleh meivak haw tilo mihiam taksa chungva vak um ahem?
- “La vak uh chu mi mitmu in vak hen,” ati hi Bang vak chu mite anga kilang thei inei ua hem?

Tekhinna chuam chuam chawm-cha'n holim khawm hitiu.

- Nisin hinkhua imat nau a I umchanphatnau chu ei uh a dinga vak ahi.
- I umchanphatnau chu vak ahitan, thilphalo asia ibawl phat uh leh I vak u chu kimu theilo a thim zel sek ahi tai.
- Lalpa Jesu'n "Kei hi khawvel vak ka hi," ati, Lalpa Jesu'n thilsia abawl pua, ama umna mun zosia chu avak zing ahi.
- Gucha-Lacha hawn thilsia abawl phat uh leh vak nuai a aum ngam sek puau a, aziak chu thilsia abawl ziak un, mi mu khak ding lau in thim nuai bep in a um sek ui.
- Zia thimnuai ah umte chu Jesu nungjui ahi puau, amau chu thim chate, thilsia bawl te chu ahiu.
- Ahileh ei uh thim chate I hi nuam uh em? Kuama thim chate hi ding nuam I um puau a, chuti ahileh thim ah I um lo na ding un thilpha ibawl uh ngai ahi.
- I vak uh miten amu theina ding ua Pathian lopina dinga thilpha ibawl di'u, nisin I khawsak nau ah thim a umtheina thilphalo zosia I peldaw'u a ngai hi.
- "Kuale a suapi haw zing ngal ah, vak ah ka um hi ti chu thim ah um zing nalai ahi ." I John 2:9_
- Eimau a vak um mite mitmu a kilang dinga vak inei uh chu "Umchanpha," ahi.
- Kua'nle "amachu migilo ahia, pachat aum e," ati ngai puai, mipha Pathian dawu guala hinkhua mangte chu mi'n avak

uh amu thei ahi. Nang leh kei sunga umchu a vak takzet nam?

_Vak chate leh sun chate la hi tau a, zan ah mi ihi puau a, thim ah mi le l hi diak puau.

1 Thessalonika 5:5

Vak chate leh sun chate tia kiminva ihitak zia un, thim a um thilphalo zosia nusia'n vak chate um ding dan(umchanphatna) chun kivan in chia zing hitiu.

Zia phat chuleh thim a um nalai ten le l umchanphatnau chu mu thei in ti'u in, l vak uh chun gamthim gam hung salvak ding, zia phat chuleh Pathian chawihawi thei ding ahIU.

Vak chate kahiu tia ivak-uh mi mitmu a kilang theilo chu vak diktak neilote ihu, Umchanphatna, thilpha bawl, chawlinga lo ah thim thilhitheina do zing ihu a, zawna l chan phat uh leh, ivak uh chu hung kilang dawk ding ahi.

Gen belap thei tamtak um maleh tuni a din zia chan hin chai bawl hitiu in, simtu zosia lungsunga Pathian in hetchian theina lunggel eipe ta hen.

Taksa leh thagau ah l kalsuan be nau ahithe i na din Pathian in ei malzawl piak taken. Amen!

--o0o--

Dik la sa em?

By:- Rev. N. Dalla

1. Mipi lak leh khawtang ah i gamtat danteu hawu hi i et etleh, khristian insung diktak ah hung seilian hi ki tam bêk bêk nailo vâng ahi ti hi a kilang ma ma sek ei vei maw..!?
2. Gamsung leh khawtang ah mi phalo i tiu haw hile, a hingtu nu leh pa um tho ahia, zia anu leh pa kiti haw chule inkuan nei ahi ziak un, zia inkuan chu phaleh bangti'n mi phalo umthei di?..
3. Teksete'n "Ingua huailo gamgua huai" atiu khat a um ah, a umzia chu a insung khawk salo ah a pâmlam khawksa, Insung siamphat gawlo, society siamphat na ding ah ki sala ma ma ti haw hile a gênnau hiding ei vei..!
4. Nam puitu sang in Inkuan puitu hi a pawimaw zaw, Inkuan ki puihuaina a diklo leh nampi ki puihuaina le dik ngailo ding ahi, ama insung siamtup zolo chun bangtin nam leh gam a siamtup zo na diam..!?
5. Chate'n nu leh pa a ngai ma mau hun hi ala um ahia, zia hun ah a chate ding ah hun pe manlo khawp ah kisa buai zing haw chu, amau inle achate ahung ngai ma mau hun takleh, a chate'n le hun hung pemanlo ding ahiu ahi.
6. Kamsung ah chate phatna ding ah thupha tamtak tak gêndaw ah zilgai ek ek sângin, insung leh khawtang ah i nungchang leh i tawidan teu hin, i chate ala siampha thei un, ala siamse thei zawsek uh ahi.
7. I Pathian thu chun "chate hi Lalpa a kipat i gouchan uh ahi" ala tia (Sam 127:3) tamtak in gou ah i ngailo ziak uh adiam! i chate sâng sângin leisiat thil haw hi gou in ila ngai un, ila ngai pawimaw zaw khasek uh ahi.
8. Tulai naupang tamtak hi nu leh pa dawnlet sângin, mobile in ahung dawnlet hung tamzaw ding ahia, a thil mu'u leh hiatte haw dungzui ah hung khanglian ding ahi ziak un, bang bang chu i hung suak na diam uh? ki hezo talo ahi..!

9. Jakai in Jesu a mu'na dingin a umna mun masa, a nêk hawlina thianglo leh a lepgûkna haw zosia a nusia masa, tichun Jesu a mu ahi, eilawi chu Jesu muta kahi ti ngalin thil thianglo leh lepgûkna haw nusia zo taktak theilo te kihi sek ahi.
10. Jakai khan Jesu mu nawpna lungthim ahun nei nei akhan a thil-bawl diklote a taisan ngal ziang ngam ahi, eilawi chuh Jesu la munuam, i diklona leh i sualna teu la taisan ngam ma ma'lo te ala ki hikha sek ahi.
11. Jakai Insung lâi mugil kha Jesu'n alua tâk ziakin, ama ah ki sukdi-kna ahung um a, aleibat ahun ngaikhawk ta ahi, eilawi mi tamtak lungthim lâi mugil hi Lal Jesu'n alualo ziak adiam? piangthak hi ngal danglamna neilo, Pathian cha hi ngal leibat ngaikhawk lo, a tam in aki tam ahi.
12. Jakai hinkhua danglamna hi Lal Jesu bep hilo in midangte mu'thei in ahung ki tâklang ahi, eilawi mi tamtak pianthakna hi midangte mu'thei leh hiatthei in a kilang zo ngaisek lo ahi.
13. I Bible chun, bengngong te hansia lawlo ding leh, mitthûm te kisuina ding bawlo ding ei tia (Lev. 19:14) tulai mite umdan hila i etleh, hetna neilo bengngong leh muna neilo mitthûm, mimawl te haw hi musit in a um ua, a kipalna diu bawlpiak khawk salo mi a kitam ahi.
14. I Bible chun, gulo ding leh diklo tak ah thil bawlo ding, chuleh zuau ah kithêm tualo ding eitia (Lev. 19:11) eilawi pi hila aw awh! gûkna thei dinmun ah i dinlo ziak ah gulo mai mai, diklo tak ah bawl khawk salo leh, thep thei thei thep ding ti' hileh kilawm..!
15. I Bible chun, lungnat kisûm ding leh thangtawmna haisan dingin ei dawi ah (Sam 37:8) eihaw pi hila lungnat kisûm zo ma malo leh thangtawmna ding nei nei ziang, ki dêkzo ma malo ala kitam sek ahi.
16. A thinuam ki kihawl leh kuama ki um khello ding ahia, a hinla i Bible chun thi'na ding lampi ei kawkmua a um ah, "Midik in a umdan dik a haisan a, thil phalo a bawl phat le a thi'ding ahi" atia, (Ezek. 33:18) zia lampi hi tamtak in ila zui sek uh ahi.
17. Kumthak ahi man ah thak ziang kihi naisailo ahia, Calender a

- kisâng eileh, i hindân leh i nungchang teu a kisân danglam lo chun, kumthak in umzia bangma nei diaklo ding ahi.
18. "Kuale Khrista ah a um chun thilsiam thak ahung hitai" ti ahia (2Kor.5:17) a umzia chu Khrista ah i umlo ua leh kumthak vel bangzat mang leu hinle, thilsiam thak kiji ngai ngailo ding ahi ti a kichian ahi.
19. Khrista a lah um gawlo, kumthak cheng leh ki siamthak zel, kum alui phatleh ama le lui kîr zel, a kum in a puak hileh kilawm, ki siamthak nawm nawm ziang, lûi pai pai ziang mi a umsek uh ahi.
20. Kum athak man ah ki siamthak mai mai haw hi, January le a gâlkai zo tak tak ngai puau ei vei..! mihing hâtna bep mang ah mani ki pawngbawl na mai ah ki siamthak hin chuh, sawt a dai ngai pua, ki sukgentheina bep ahi zawsek hi.
21. Danial in a hunbul kha nêk leh dawn ah ki sukbuaklo tup tinten na in apan ah, eilawi in i kumbul mat uhi nêk leh dawn ah ki sukbuak theina khamna thei haw ah abul ala pan ti haw po ila hikha sek uh ahi.
22. Joseph khan ahun bullam ah thânhuai theina mun lemchang atuak lai in, hangsan takin ala zamsan ngam ah, tulai khangthak tamtak in ziamun hi zamsan ngamlo in, a hawl ah hawl luai luai le a umsek uh ahi.
23. Sadrak,Meshak leh Abednego te lawichân pathum te ki lungual na kha milim pathian ma ah kûn him himlo ding ti ahia, tulai khangthak tamtak te ki thu gualna chu, khawvel pathian ma ah khamna thei nêkkhawm dawnkhawm ti haw lam ahi zawtai.
24. Zu leh khamna thei nezo leh dawn zolo khawp hial in ki chaga, taleh bang aki ti diam? ki nawptel theina kham ham ham ah hausu aki tam tâk ziak ah ki hiti gam le ahi tawl diam? a bang, bang hileh i hunbul uhi pandik po po leu hin a zia zia hung um nalo di ahem?
25. David in Pathian lungthim gual ahun put sekna chu maw, nidang ah ama ala sugentheitu Saul inkuante chung ah za'ngaina suklat guan, ami dam nalai a um awm, ti'in ahun hawl luai luai ahi, eilawi ki hileh i bawlo ding zia mai u chuh..!

26. David in Pathian lungthim ahun sukkhâk sekna chu maw, a diklona kophil tute chung ah lungna loin, a gitlona Pathian ma'ah a kipuan ziang sekna hi ahi, eilawi chu i diklona ei gênpiak a um uleh, ki muda ziang..! ki siamphat na ale ki nei diaklo..!
27. David danglam na ma ma chu, a vangsiat lai tak ah ama musit ah hansia lawtu kha Pathian hunsawl gualin a ngai thei ai chulah..! eilawi ki hileh zia gual mi chu Pathian hunsawl ahi, a kiti thei nabek diam..!?
28. David in Pathian lung ahun tuak sekna chu, a mipite'n hipi ziak ah thi'na huaise tak ahun tuak lai un, "Kei kahi agilo, zia mipite hin bang a bawl ua hem? la khut chu kei leh ka insung mite chung in tunsak zawtan" ti'in Pathian âng in a pûklût zawta ahi.
29. Kum thaksuk thakto lele ama ah ki danglamna neucha mu'ding le bangma umlo, a hindanlui le sang diaklo, a nêk ngai ngai ne, a dawn ngai ngai dawn, lunggel thak le nei chuamlo mi um ngei ding ahiu.
30. Kumthak ni ah Pathian angung ah kilân ah a nêk a dawn haisan tading ah thupûkna lazo ta, a ki bual ngai ngai ah va kibual kî, ki sômzo ma malo mi um ma ma ding ahiu.
31. A sil leh chên sâng sâng ziang, a lungthim la ki sâng danglam mawng mawnglo, vanthak, thilthak hawl hawl ziang, ama la thak gua mawng mawnglo mi tam tho ding ei veu..!
32. I Bible chun, "Pathian pawmtâk dingin la taksau chu kilân dingin ka dawn lahiu" ei tia (Rom 12:1) eilawi mi tamtak in i nei i lam i sum leh pai i lân sek ua, i lungthim ule a ki lân kahi i vak tisek ua, himaleh i taksau hi Lalpa â di'n i lân ngam taktak seklo uh ahi.
33. Lawi khenkhat in kumthak in vangphatna leh malzawlna ti haw hi a hun puaklût dingin kinepna anei sek ua, kum kiti hin kuama vangphatna leh malzawlna a pethei pua, hun leh phât teptena mai ala hi zaw ahi.
34. Kum hi thak henla lui lele, mawk kineppi ziangthei ei pua, kum in bang ei hun puakpiak diam? ti sangin, zia kum ahin thilpha bang ka bawl diam? ti ah ki ngaitua ngai hi zaw ahi.
35. Eihawn kumthak, ni suak thak, bang bang thak, sak leh thang iti

- sek nau ah, entia i Bible in maw.. “Khawvel ahin thil thak him him a um puai.. “Entia, zia hi thil thak ei ve”, ti ding him him a um em? Zia haw chu eihaw masang pek a, ala umsa ngen ahui” ei tita mai ahi. (Thugentu 1:9,10)
36. Eihawn athak, thil thak i tiu haw hi i Bible in thil thak in a pawm pua, a thak diktak chu “Kuale Khrista ah a um chun thilsiam thak ahung hitai” ti himai ahi (2 Kor. 5:17) Khawvel pumpi nei leu hinle, Khrista i neilo leh, “thak” kiti chu i chan khâklo diu ti’na himai ahi.
37. Pathian chu muntin in a um in, hiatlo leh mulo him him anei puai, ti hi hiatna khat in i hechiat ua, ahi’nla, mihing in ei mulo phawtleh Pathian in ei mu leh ei mulo ding chu khawksak in inei bêk ngaisek puau ahi.
38. ”Lalpa mit chu muntin in a um a, mipha leh phalo a entha zing hi” ti ahia, (Thupil 15:3) a umdan chu thilpha bawl in thilsia bawl leu hinle etthâk ah umzing ihui ti vang iki hiat uh ngai ahi.
39. Pathian mu i kisâu â, Pathian he kisa leu hinle, i thil bawl uhin ei hun tâklang kawm kawm sek ahi, a ziak chu “.. thil phalo bawl taphawt chun vang Pathian amu puau” ti hitawp mai ahi (3 John 1:11)
40. Thugentu in khawvel ah thil phalo tak mai ala mudaw khat chu “Min hausatna anei, anat khawlaw hi ahi” a ti tamai ahi (Thugentu 5:13) bang chu hi taleh hausa in chaga le hinle, i thilnei chu i dampi leh apha, i natpi ahi chun aphalo ti’na himai ahi.
41. Gingtute imi hinaw diktak chu, khawvel ah um hingal, khawvel mi chu hilo, khawvel in a ngai theilo, a huat ma ma, kiti chu i hui ahi. (John 15:19)
42. A gam ah umzing ngal, a gammi chu hilo, gamkhat palai ah gamdang khat ah va um, ama gammi te sik leh zâl ah gin umtak ah palai nasem ah umte gual chu ihui ahi.
43. Vankhua leh tui hina (citizen) nei hi ngal in, a citizenship neilo na gam zia khawvel gam ah khawsa, a umna gammite hindan tawh kibang thei him himlo, khawvel mite tawh hiatkhen thei ding ah van nungchang pu ah hing gingu ihi diu ahi.
44. Mi gam ah um kiti him him chu, kikhual tak ah um ngaina umlo

- ahia, gingu tamtak mi gam ah khualzin ah châm bâng mai mai
ahi lam ki hiatlo ah, a gammite hindan dan zui mai gingu a kitam
sek ahi.
45. Vacha haw thâng ah a awk ziang seknau khu, a awk nuam ziak
uh ahi pua, a anchâk diu ah kikawi haw khu a duchâk bêk ziak ua
va awkkha sek hizaw ahiu.
46. Sanga (fish) in ngakuai khu a du'ziak ah ava nêk hilo in, a anchâk
ding ah ki kawi tangtêl ahem khu a du'châk bêk ziak ah ngakuai
ah va awk khasek hi zaw ahiu.
47. Tulai i gam politics saidan teu hile i etleh i malam ua i thina diu
tampi ala umdi hi lele, a anchâk i duchâk bêk ziak un, i hinna diu,
i thina diu ngaitua det det loin, sum in ei su'ngawl zo gamtau ahi.
48. I party zui uhin i gamsung ei sudam na diâm? ti ngaitualo hial ah,
a anchâk bep bep uh enla ah, a ngakuai khai uh i va nêk nêk ua
chun, khatvei tei chu hung ki nelum khatei tei ding ihu ahi.
49. Mawpuakna paw nuam tun tun ziangte sangin, ki suangla kawm
kawm ah mi dawisakna a chan ziak ah mawpuakna paw te'n na-
pha a semdawk zaw sek uh ahi.
50. Mawpuakna nei kiti hi a hechian te'n amaw zosia kipuak ahiu ti
ahiat ziak un, huphul um a sa sek ua, a hechianlo te'n vang a thu-
neina bep en in, a ki thalawp sek uh ahi.
51. Mi lungchawm kiti mawng mawng te hin mawpuakna a puak
ualeh, apha tampi um lele a siatna bep amu sek ziaikin, lungnatna
ding tampi a musek zawu ahi.
52. Vaihawmtu pan hi thil haksa ei pua, vaihawm thiam hi thil bailam
hilo hial ahia, thudik chanve hin, siatna lampi'n mite a pui mang
sek a, thutak in vang, nasatak in ei gawtnawn sek maleh, a tawp
leh ei suthiangtho sek zaw ahi.
53. Khawvel hi apha deu deu ding leh a nuam deu deu ding ah ki-
nepna neite hi, mi genthei leh mi lungsiat umtak hung hiding ahiu
ahi.
54. I umnau khawvel hi a phatna ding leh a hawina dingin bang
gualin panla leu hinle, phatlam sang ah siatlam manaw deu deu
ding ahi ziaikin, a kikhual khual chu a genthei ding ki hung himai

ding ahi.

55. I gam sawlkar teu hin a mipite damna ding ti'in bang bang dân leh dân siam in ki sala ma ma ziang leule, phat taktak leh hawi taktak ti umthei puantin, siatna chu i mabâk diu hung hi tho tho ding ahi.

56. Kum zakhat le i damlona diu khawvel ahin, bangzat nei in, bangzat khawldawk leu hinle i neisung diu hi a chawm in a chawm talua ei vei..! kumtuang gam ding ngaitua manlo te chu mi vangsia hung hiding ahiu ei..!

57. Noah hunlai mite khan khawvel nawpchenna nasatak ah a buaipei lai un, Noah leh a inkuante khan Pathian thupiak hukdamna kuang tuk ding kha ngaikhawk pen in anei uh ahi.

58 .Abraham hun ah mite khan a siamtu Pathian kha hephalo in khawvel thil bep a lunggul lai un, Abraham khan Pathian kona a ngaikhawk zawk ziakin, a zawtna ding gam he masa loin a kipan dawk mai ahi ai khah!

59. Tu hun ah i khawvel u hin nasatak ah a buaipeu chu natna vei bangzât? zia natna zia ah mithi bangzât? tite haw hi

ahia, a ût leh natna umsak thei â, a ût leh sumang thâithei pa Pa Pathian buaipei ding lam a hephalo uh ahi.

60. Neu khat kei kahi kiti deu deu in i gam siamphatna ding ti'dân deu in election thagau ahung chang ua, dung leh vai in mipite ei hung chawk pan tau ah, sum ah dangchâk mipite hi eihun su'ngawl ding ahiu â, zia hun ahin nangin bang lala ngaikhawk pen diam? ngaitua ngai ahi.

--o0o--

KUA TE'N LALPA NA SEM DI

Bible changtel- 1 Kor. 4: 1- 13

By: KL Muana Vaiphei.

Khrista Lalgam nasem di leh Pathian thuguk kemtu ding I genphat uh leh gingu tamtak leh vantang te ngaidan achun kochuam Upa, Pastor, Missionary, Teacher, Evangelist te sep di dan in I gel maisek ui. Ahinla, zia ngaidan leh pawmdan hi chu dik bukim lo deu in ka hiai.

Kamu dan leh I Bible ei zilti dan I sut ngun deu chun, Khrista ginna nei, Pathian Thagau Thiangtho tawh kitimatna nei, thagau baptisma chang, Khrista pianthakna muthei leh muthei lo a khrista Pathian ahina diktak kalchawipi, Ama tawh sunggil ah meigui gual ah kizawpna nei, insung, khawlai leh gingu te lak ah Pathian hinna leh mizia sulang theizing tu leh Pathian hepina leh zangaina hemillo a hinkhua ah sulang thei zing tu te bep hi Lalpa Pathian nasem ding leh thuguk kaw! tu te chu ahi ngei di'u ahi.

Ahileh, kuate'n Lalpa na leh chanchinpha chu gen ah I sep di'u ahi ta diam! Zia chung thu ahin I Bible in ei zilti dan neu-

khat vak en hitiu. Teldaw leh khenchuam leh Kochuam dan ah Pathian sathau nuna chang te bep hi Lalpa nasem ding in I kawichuam ua, ei haw gingu dang te hi hinkhua zalen tak leh thiangtho lo tak hinkhua mang in, I hin ding gual tak ah I hin lo ziak un khawvel Lalte na gual in Pathian Lalna sem maleu hin, ei a Belam te khawsak dan mumal lo ziak in khrista'n Lalna a chang zo talo sek ahi.

Tichun, Peter kiang in John 21: 15- 17, zia te sang ahin lei ngai zaw em a tia "thumvei hial dawt ahi phat in, Peter in Lalpa nang la hiai atia," chuti ahi leh ka Belam te ching in la vak in, ahung ti khawng ta ahi. Zia thumawpna apat ahin I mawpuak

na'u chu kichiantak in hiat thei ahi tai.

Khrista phudaw kochuam leh A mi thiango the'n I sep ding uh chu gingu te chawp di chuleh ging nailo te hepina etkawl a Pathian thu hildi tite ahi. Zia chawpna nasep leh etkawl na achun Pathian apat hepina apan lo chun, zia nasep chu a thawn mai ahia chuleh I hindan leh nundan khanchan ah Khrista chanchin tawh a kilawm phawt ngai ahi (John 19: 7- 13), dangnal leh genthiam ziak bep hilo in, I hinna leh mizia ah Belampu pha leh ginum, Pathian Thagau luadim zing mi I hilo uh chun, I Christian hinkhua ahin Khrista thuguk kemtu leh hindawpitu, Belampu pha ting zolo ding ihu.

VAIHAWM TE HI PATHIAN NASEM AHIU- Rom. 13: 4- 6

I tuallen na'u khawvel vaihawmte leh kochuam puitu te hi ting in tinglo ta maleu, mipi leh Pathian guat ahiu tilam hi hiatmillo di chi ahi. Leng KURA chu Pathian in a Belam te vengtu ding in ako gual in Belam chu aveng

ngut ngei hi (Isai 44: 28). Zia gual machun Babylon Leng Nebuknezer hi ana sem tu ding in a guat hi (Jer. 27: 6), Gam leh Nam vaihawm te dawkan hi Pathian nasepna leh Lalchutpha chu ahi. Zia thupiak hi I zui uh chun taksa leh Thagau in malsawmna I chan ngei uh kaki nem hi.

Zia achung ah i Bible Thiango in ei ziltin na I vak gen uh hi zui in, mipi'n le I gam leh sakhua vaihawm tute dawkan hi Khrista nasepna, vaihawmna chutpha ahi ti pawm in, Lalpa nasepna ahi ti hezing in, I hatlo nate'u kihil in ki sawmdawl tua chiat leu hin malsawmna dawng ngei ngei di I hui.

SUAKTE HILE PATHIAN NASEM AHIU- Kol. 3: 23

Suak ti kampau hi ahung gitdaw leh thu ngainawp um lotak a batna a um hi, amat dan leh a kawka dan kichiantak I hiat lo chun ngaithiam ahak thim sek hi. Ahinla, sawlchak Paul in "La hi taphawt uh hi mi a ding gual bep ah semlo in Lalpa a ding gualz-

aw'n leh mipi te a ding in hattak ah sem un ati zaw ahi." Zia bep chu hilo in, suak te chun apu te chung in ginum tak leh kukal tak in sem uhen, zia chu Lalpa nasep ahi ati ahi.

Chun, mi kuale khrista ah hinna a nei chun thilsiam thak ahita'n, suak leh suak lo a um ta pua'n, khrista a chun unau khat leh dinmun khat, thilsiam thak l hitak zia in Lalpa grapehuan ah theitawp sua in, Lalpa na sem zel

hitiu ...Lalpa chu pak in um zing ta hen! Amen.

<https://www.kanamvaipei.com/kua-ten-lalpa-na-sem-di-1-kor-41-13-by-kl-muana-vai-pei/>

--o0o--

PRESBYTERIAN WOMEN FELLOWSHIP(KSP)

Reports

**-Ms. Tinglemthiam,
Coordinator PWF (KSP)**

1. Office Bearers 2022-2023

- i) Chairperson : Mrs. C.Hoikim (KSP Piak)
- ii) V. Chairperson : Mrs. Kimvak (Uncontest)
- iii) Secretary : Mrs. Deem Melody
- iv) Asst. Secretary : Mrs. Tinghoikim
- v) Fin. Secretary : Mrs. Tingnu(Uncontest)
- vi) Treasurer : Mrs. Ngaineihat
- vii) Incharge PWF : Rev. S.T Kaia Vaiphei
Executive Secretary, KSP
- viii) Ex-Officio : KSP Moderator leh Secretary Sr.

2. Date 20th Dec 2021 ni'n "The Good Shepherd Home" Naupangte Birthday, pass leh Advent Christmas PWF(KSP) O.B in mat pi ahi.

3. Dt. 3rd January 2022 ni'n "The Good Shepherd Home" Warden Ms.Kimjoy thakna programme mat pi ahin Blanket khat piak ahi. Chun, Zia ni hin warden thak ding Ms. Neisonngak le a lut ngal hi.

4. The Good Shepherd Home ding Chaksang van pawimaw Cooker, thik haikhaw, mekuang ding, Jumbo Box leh Syntex 500 ltr. chawk ahi.

5. PWF(KSP) Tour Programme 2022 nei ding ti 27th Biennial khawm-pi Resln. 10 na phasak ahi dungzui in 1st standing Resolution 4na bawzui ahin; Zia dungzui ah chun zia a nuai ah gual ahin

i). Sadar District Centre (Leilon) - 24th Jan 2022, Monday

ii). Town District Centre (Nghathal) - 27th Jan 2022, Thursday

iii). Tuithanak District Centre (Tangmual) - 28th Jan 2022, Friday

iv). Khuga District Centre (Kangvai) - 31st Jan 2022, Monday

District centre tin ah taksa leh thagau ah lawk tak ah mat zaw ahi.

6. December 2021 to January 2022 sung ah The Good Shepherd
Home Visit te leh Thil hung tuak khawm te:-

Slno.	Name	Address	Particular's
1.	Ms.Thiathiam	Imphal	₹ 1,530/-
2.	Mr.Sashi Kumar	Chennai	₹ 500/-
3.	Tangmual P.C	Tangmual	₹ 3,000/-
4.	Leilon te	Leilon	₹ 1,100/-
5.	Saipum KKP	Saipum	₹ 1,000/-
6.	Mrs. Tinneihoi & Family	S. Kawtlian	Rice 1 bag
7.	Mrs. Nemplalkim	Nghathal	(1) Annek khawmpi, (2) Clothes (3) Nekthei
8.	Lamthiankhup	S.Kawtlian	(1) Birthday cake nekkhawmpi (2) Aktui 5 set (3) Everyday 2kg (4) Thau 5ltrs (5) Chini 5kg (6) Thingpiche 1pkt (7) Juice 1 box (8) Biscuit 12 pcs (9) Sum ₹1,000/-
9.	Saipum PWF	Saipum	Rice 70kg
10.	Tangmual KKP	Tangmual	(1)Anchang- 1 bag (2)Dal-2kg (3)Thau-1ltr (4)Alu- 2kg
11.	Nghathal PWF	Nghathal	(1)Chini – 2kg (2)Sweet – 1pkt
12.	Kangvai PWF	Kangvai	(1)Anchang 71kg (2)Sum- ₹1,000/-

Presbytery sung thu chuam chuam:- (Jan-Feb.)

1. **KSP Vehicle:** Khuga Sadar Presbytery Gari TUV 300 chu kum guk a hung tin tak ziak in 64th Annual Session in zawk daw ah a thak chawk ding ti in a chaw nuam a um leh tin KSP kochuam tin ah advertisement a kibawl ah Upa Lunpau Leilon in a kichawk a, Date 17th January 2022 (Monday) ni khan piakdaw ahi tai. A thak chawk ding ngaitua ahin, maleh tulai tak hin North East India pumpi ah Bolero umlo lai tak ahin, Kolkata in pakhat a um a, zia chu changkang bek lo maleh chawk ziang ding tia a va kichia leh registration Kolkata ah bawl ngai ding ahi ziak in a kila ta pua, tuhin Guwahati ah booking bawl ahin, 45 days zaw leh lak thei ding ei tiu a, March thasung ah lak thei ding ah kinep ahi.
2. **Sunday School Teacher Orientation:** Sunday School Board Committee thupukna dungzui in Piting leh NSSU Teacher Orientation chu District in a vaima thei lam pen ah a kiguanggal ding ah phasak ahin, chuleh resource person ding le a kingaitua ding ua phasak ahi. Zia teacher orientation ni refreshment ding in Sunday school Board Committee in district neu leh let dungzui in sum a sanction a, lak thei ahi tai. Lawkpi thei ding ah kitup tak ah I mat chiat ding uh chu Sunday school Board kinepna ahi.
3. **45th Synod Annual Session:** A hung tung ding date 11-13 February 2022, sung in 45th Manipur Presbyterian Church Synod Annual Session chu Tangmual Presbyterian Church, KSP ah um ding ahin, Palai ding a kiguat zo ta, palai ah kiguatten tawmngai tak ah pang chiat ding in I khihatsak uh ahi. Chuleh I bawl dan pangai gual in palaite daily Allowance kitup tak ah piak hi ding ahi.
4. **Pro. Pastor Siam ding:** 45th Manipur Synod Annual Session a hin, ei KSP in Probationary Pastor khat siam ding ah Synod ah dawt ahin, Tv. Kh. Khaiminlun Vaiphei s/o, Upa Lunpau Leilon chu tuchung Synod Session a hin Pro. Pastor ah siam hi ding ahi. Pro. Pastor ah siam ahi tak leh installation Nghathal P.C ah bawl hin tin,

Nghathal ah um in tin, Town District ah Rev. S.T.Kaia Vaiphei, bialtu pastor nuai ah um ding ahi.

5. **PMS. Tispari Teacher leh Clerk:** Khuga Sadar Presbytery, Education Board Committee thupukna dungzui in PMS. Tispari ah sem ding Assistant teacher khat leh Clerk cum teacher khat lakna ding in Date 14th January 2022 ni chun interview bawl ahin, candidate mi – 10 lak in Asst.teacher ding in Tv. Haugothang s/o, Pu Seitinlal, Leilon lak ahin, Clerk cum teacher ding in Tv. Lamthianhau s/o, Pu Lamtinlal, Leilon lak ahi.
6. **School Teacher Orientation – 2022:** Khuga Sadar Presbytery, Education Board Committee thupukna dungzui in Date 5th February 2022 (Saturday) ni khan PMS.Tispari mun ah KSP School teachers Orientation nei ahin, resource person ah i) Upa Lamkhlian, Leimakhong Mission Veng leh T.Upa Haulallawm, S. Kotlian chu mat ahin, lawk tak ah hun mat zaw ahi tawh kitawn in ankuang upkhawmna le nei ahi.
7. **Awlmun Biakin Suangphum:** Date 20th January 2022 (Thursday) nin KSP Office Bearer te sia chia in Awlmun P.C. in biakin a sak thakna ding mun ah Foundation suang phumna nei ahi. Awlmun kochuam in ankuang a la siam in Sadar District Office bearerte tawh an nekkhawm ahi. Chuleh, KSP Standing Committee ngansi-ana dungzui in Sadar District Pastor Quarters leh T.Upa Nekkho-mang inn kisantua ding mun va etthaak ahin, kinawptuana lekha kizik in a la bawzui ding in Sadar District ngansia ahi.
8. **Tispari Church Pulpit:** Thu kipak um tak khat chu Tispari Mission Field Church hi hun sawttak Pulpit nei lo ah um chu Date 13th December 2022 ni khan Mantripukhri Christian Fellowship (local Church) in a va piau a, kipak a um ma ma hi. Mantripukhri kochuamte Pathian in malsawm zing ta hen.
9. **Tispari Kochuam vethakna:** Date 19th December 2021 ni khan L.Champhai kochuamte mi -12 ten Tispari Mission Field vethakna va nei in Advance Christmas le a va matpiu a, Zia chun Christmas

gift in sum ₹ 10,000/- (ten thousand) le a va piau ahi. Chuleh zia chun Mrs. Pineng in le bel khat a pia, kipak a um ma ma a, Pathian in kochuam leh Mrs. Pineng malzawl ta hen.

10. **Lingsiphai M&E Board in Cachar Field Vetha:** Date 7th December 2021 ni khan Lingsiphai Kochuam ah Mission and Evangelism Board ten Cachar Field va vetha in gift in ₹ 10,000/- (ten thousand) a piau a, chuleh everyday kg.1, chini kg. 1 leh thingpi che pia in hun a va matpiu a, kipak a um ma ma, Pathian in Lingsiphai M & E Borad te malsawm zing ta hen.

11. **Tangmual M & E Board in Cachar Field Vetha:** Date 23rd January 2022 ni khan Tangmual Mission and Evangelism Board in Cachar Mission Field va vetha in thilpiak in ₹ 3,000/- (Sangthum) a piau a, chuleh annekkhawmpina le a nei ui. Ziagual ah kochuamten mission field a va kanthak sek uh hi kipak a um ma ma a, a semtute ding in le kitilkhona liantak ahi.

12. **Tispari ah Baptisma Chang:** 25th December 2021 Christmas ni khan Rev. S.T.Kaia Vaiphei, Executive Secretary, KSP i/c, Field Secretary in Tispari Mission Field ah Christmas a va matpi a, thugenna hun mang in chuleh Nepali mi pakhat Miss. Romita le Baptisma a chansak ngal ahi. Kikhawpna nuamtak ah matzaw ahi in ankuang upkhawmna le nei ngal ahi.

--o0o--

‘DAMNA AW’ PHUNGVUKTUTE :

PATRON MEMBERS :

- | | |
|-----------------------|-------------------------------|
| 1. Pu P. Vaiphei IAS, | Imphal |
| 2. Upa Henthianthang, | S.Kotlian |
| 3. T.Upa Haulallawm | S.Kotlian |
| 4. Upa Thienkhomang | S. Kotlian |
| 5. Upa Laltinkhup, | HQ. Church, Tuibuang |
| 6. Pi Manliankim, | HQ. Church, Tuibuang |
| 7. Upa D. Mina, | Lingsiphai |
| 8. T.Upa Ph. Gena, | Lingsiphai |
| 9. Pu. Khamlal | Saipum |
| 10. Pu Khamliankap | Saipum |
| 11. Pu. Tinlunlal | Saipum |
| 12, Pu. S.Kapbawi | New Delhi |
| 13. Upa Genhau | Central Church, Compound veng |
| 14. Pu. Khailianbawi | Central Church, Compound veng |
| 15. Pi Kimtawi | Kohima |
| 16. Tv. Daniel | Tangmual |

MEMORIAL GIFT :

- | | |
|--------------------------------|--|
| 1. Pi Deem Melody, | Central Church, (Rengkai)
<i>[In loving memory of (L) Upa Lamthianlal]</i> |
| 2. Pi Rebekah | Kangvai
<i>[In loving memory of (L) Pastor Khaivung]</i> |
| 3. Upa Liansawmthang | Lingsiphai
<i>[In loving memory of (L) Pu. Henzagen]</i> |
| 4. Pi. Nem Grace Boisi Capvung | Delhi
<i>[In loving memory of (L) Pi Vanlalchhuangi]</i> |

SUPPORTING MEMBERS :

- | | |
|---------------------------|-----------------|
| 1. Upa Khomlunlal | S.Kotlian, |
| 2. Pu. S.Thangminlian | Lingsiphai, |
| 3. Pu Lelboi, | Lingsiphai |
| 4. T.Upa Lalneilian | Central Church, |
| 5. Pu EL Soson | Central Church |
| 6. T.Upa Genminthang, | Central Church, |
| 7. Pi. Kimneihawi | Saipum |
| 8. T.Upa J. Mark | Saipum |
| 9. Pu Genthiankap, | Nghathal |
| 10. Pu Lianzakhup | Nghathal. |
| 11. Pu Lemthang | L. Mission Veng |
| 12. Rev. S.T.Kaia Vaiphei | Nghathal |
| 13. Nk. Dimkhoniang | Zikpi Tampak |

ENCOURAGING MEMBERS :

- | | |
|-------------------|-----------------|
| 1. Pu K. Minlian | Tangmual, |
| 2. Upa Ph. Kamlam | L. Champhai, |
| 3. Upa S.T.Siam, | L. Mission Veng |
| 4. Pi Chhungi | Hq. Tuibuang |
| 5. Pu S. Paumuan | Saipum |

Damna Aw monthly magazine hi tutiang ahin kochuamte'n phungvukna i bawlte'u ziaka hin chiazal i hiu a, kuale phungvukna bawl utte a ding in bangtik lai in le bawlthei zing ahi.

(i). Patron member- Kum 3 (three) a ding in. ₹. 3,000/-

(ii). Memorial Gift- Kum 2(two) a ding in. ₹. 2,500/-

(iii). Supporting member- Kum2(two) a ding in ₹. 2,000/-

(iv). Encourager- Kum 1(one) a ding in. ₹. 1,000/-

Chun, sum thawt nuamte a ding in:

A/C name: Khuga Sadar Presbytery(MPCS)

A/C nos: 32483318505

Branch code: 6182, CCpur

CIF nos: 86412486695

IFSC nos: SBINOOO6182.